



2015 йил “05” декабр

№ 293- сонли

Урганч шаҳри

**Хоразм Агро маслаҳат
маркази (КРАСС)
директорига**

Мамлакатимиз ижтимоий-иқтисодий салоҳиятида аграр соҳанинг тутган ўрни жуда катта. Бу борада, қишлоқ хўжалиги самарадорлигини оширишда чуқур ислоҳотлар амалга оширилиши билан бир қаторда, янги техника, агротехнологиялар ва агросаноат комплекслари ҳам ишлаб чиқаришга тадбиқ қилинмоқда. Қишлоқ хўжалигидаги асосий фаолият юритувчи фермер хўжаликлари базаси ҳам кўп тармоқли хўжалик фаолиятига айлантирилиб турли хил ишлаб чиқариш инфратузилмалари ташкил қилинмоқда.

Шуни айтиш жоизки, мамлакатимизда етиштирилаётган қишлоқ хўжалик маҳсулотларининг 90 фоизи асосан суғориладиган майдонларга тўғри келади. Яъни, қишлоқ хўжалик маҳсулотларининг ишлаб чиқарилиши бевосита суғориш суви мавжудлиги билан боғлиқ. Афсуски, қишлоқ хўжалиги билан боғлиқ ҳалқаро ташкилотлар ҳисоб-китобларининг таъкидлашича, келгуси 10-15 йиллик башоратларига кўра, Ўрта Осиёда суғориш суви танқислиги кузатилиши мумкин.

Албатта, ушбу масала Ўзбекистон фермерлар кенгаши Хоразм вилояти ҳудудий бўлимининг дастурий режаларидан ҳам ўрин олган, десак муболага бўлмайди. Бу борада бевосита Хоразм вилояти ҳокимлиги, вилоят қишлоқ ва сув хўжалик бошқармаси, сув истеъмолчилари уюшмаси, фермер хўжаликлари ва бошқа бир қанча маҳаллий давлат ва нодавлат ташкилотлари билан ҳамкорликда Ер ва сув ресурсларидан самарали фойдаланиш борасида турли тадбирлар олиб борилмоқда.

Хусусан, жорий йилнинг феврал ва сентябрь ойида ўтказилган Ҳалқаро ИКАРДА ташкилоти томонида ташкиллаштирилган ва Хоразм Агромаслаҳат Маркази томонидан олиб борилган “Қишлоқ хўжалик маҳсулотлари ишлаб чиқариш тизимини интеграллаштириш” мавзусига бағишланган ўқув семинар ҳам шулар жумласидандир.

Мана бир неча йилдирки Хоразм вилояти фермерлар кенгаши қишлоқ хўжалигини ривожлантириш борасида Урганч давлат Университети, Хоразм Агромаслаҳат маркази билан ҳамкорликда бир неча тадбирларни амалга ошириб келмоқда.

Ўйлаймизки, “Қишлоқ хўжалик маҳсулотлари ишлаб чиқариш тизимини интеграллаштириш” мавзусига бағишланган ўқув семинар натижалари ҳам Ер ва сув ресурсларидан самарали фойдаланиш борасида вилоятимизнинг чекка ҳудудларда жойлашган 30-35 нафар фермер хўжалик дала майдонларида бевосита амалиётга тадбиқ қилинади. Бу борада фермер хўжаликлари сиз томондан ишлаб чиқилган ўқув амалий қўлланма билан таъминланади.

**Хоразм вилояти фермерлар
кенгаши раиси:**

Қ.Сапаев